

Durante careda den 100m pecho na China

Atleta Jordy Groters ta kibra record personal



ORANJESTAD/NANJING - E Weganan Olimpico Hubenil na Nanjing, China ta den full swing. Despues cu mundo henter a presencia un di e apertura nan di mas bunita den historia di dicho weganen, pa su mañan e competencia mes a inicia pa e atletanan.

E representante di Aruba, esta e landado Jordy Groters, tambe a mira accion den su prome competencia esta e 100M pecho. Mester bisa cu un bes mas e landado Groters ta logra haci un tremendo

papel door di logra kibra su propio record personal den e evento aki, Jordy ta marca un tempo nobo di 1:03.96., mientras su record anterior tabata 1:04.25.

Cu e tempo aki Jordy ta yega na di 6 lugan den su heat y 20 lugan overall den 37 atleta. Notabel ta cu Jordy a inicia e competencia den bon forma unda e tabata tin e miho tempo di reaccion na salida cu 0.65 seconde. Den e prome 50m e ta mishi como e number 3, a lo largo e ta termina como e number 6 den su heat. □

